

مكتوب

أشعار

محمد حسين



ليبنت النشر
والتوزيع

رقم الايداع / ١٣١٩٧ / ٢٠١٣ ط ١

الترقيم الدولى / ٢ - ٣٨ - ٥٣١١ - ٩٧٧ - ٩٧٨

غلاف / دينا سليمان

حقوق الطبع محفوظة لدى الناشر

ليليت للنشر والتوزيع

الإشراف العام / إيمان سعيد

المراسلات : ٩ش صلاح الدين - عطارين

مول الوطنية التجارى - الدور الثانى

ت : ٠١٢٢٤٢٧٢٣٣٢٧

: ٠١١٤٤٥٩٥٧٥٧

Dar.lilite@gmail.com

lilitepublishing@gmail.com

إلى كل شهيد ضحى بنفسه من أجل حرية هذا الوطن

إلى روح عماد ومينا وجيكا وكرستي وألاف غيرهم

ولها (حبيبتى دائماً) :

كل اللي سافر رجع إلا أنا وانتي ...

سافرت عنك أنا ولا انتي سافرتي ؟

یاورد

یا ورد مین عالمک
تطلع علی سطوحنا
وتعدی دور واتنین
نضحک علی روحنا
جرئ وطبعک کده
ولآ الجبان احنا؟!.

سلامتك يا مصر

سلامتك يا مصر

يا أرض السلام

يادايحه وتايهه

في وسط الزحام

يا كل اللي قالك

بجبك بجبك

بيبدأ كلام

ويخلص كلام

سلامتك يا مصر

يا أرض السلام

سلامة سلامتک

یا أجمل بلادی

یا شایله حولتک

وسایبه الأعدای

یجیبو فی سیرتک

وسیرتک تمام

سلامتک یا مصر

یا أرض السلام

ولادتک عسیره

وإیدک قصیره

وغاب الطیب

دواكي فايدي
ودمك وريدي
ولا أقدر أغيب

هجيلك واستي
واشيلك يا أمي
وأم الغريب

وهسهر منامشي

فليلي ويومي

غير اما تقومي

واشوفك بتمشي

بقيمه وسيمه

وراسك سليمه

واقبل جبينك

واقولك هنام

سلامتك يا مصر

يا أرض السلام

صباحك يا مصر

صباحك يا مصر

معطر مندّي

وحلمك معدي

في وسط الغمام

وشمسك بتطلع

وخيرها لغيرها

تغطي بنورها

دروب الظلام

تعدّي بسرعه

وتزكز وتهدا

في وسط الزحام

تصبح عليكي

تطبب عليكي

وترمي السلام

وضحكة ولادك

وبسمة بناتك

بريئه رقيقه

تكفي توقي

يغور الكلام

وبلبل محني

يغرد يغني

يرتب صحابه

دواير حمام

وليلك بيحي

يابنت الحلال

يمسي علي

يطبطب عليكي

ويفرد شعوره

يغطي العيال

..

صباحك يا مصر

نظم القوافي

كل وردة اتفتحت
فوق صخور اليأس انتي.
كل نجمة نور
ألف ليله ودرب انتي.
كل بحر وله سفينه
هو بحري...دي سفينتي.
كل كلمة حب
قالها حد غيرنا
قلت ليه ييجيب فسيرتي؟!.
ياجميله فوق جبينها
بحر صافي
مايه تهرب من كسوفها

موجها دافي..

جنب خدك

طير بيكتب بجناحاته

ينطق الحد بحروفي

..انتي بيت الشعر عندي

رتبي الورد فشفافك

تعرفي نظم القوافي !

صوتي انجلد

يامصر صوتي انجلد.....واجيب منين سامعين؟

لو كنتي أجمل بلد.....بتخبي حسنك فين؟

الناس بتاكل لحمها.....والصبر فاق لحدود

هو انتي متخططه....بستان وما في ورود؟

فيكي الخلايق بشر.....ولآ الخلايق دود؟!

قلبك حجر

مجنون وعقلي عندها

والصبر فاق لحدود

والمايه من بدعها

تسقي الغريب وتجود

وتفوت على اللي انظلم

ترمي السلام ماتعود

أصل إنتي مجنونه

ومجننه ناسك

عايشه بنص العقل

وبعُشر احساسك

قولي لي لو تعرفي

وكتمتي أنفاسك .
غمّيت أنا عينيكي
مين اللي جه وباسك ؟

يا مصر قلبك حجر
وفليلي هاجراني
صعبه وفيكي العبر
بس انتي وحشاني

أنا الغريب بالذات
عاشقك بصوت وسكات
وإن مت فيكي ساعات
برجع واموت تاني

سابق عليكي النبي

حكاى بقول حواديت

حلوه وملتوته

وانتي اللي وسط البيت

مزروعه بنوته

كل البلاد حواديت

ودي أحلى حدوته

فيها النسيم بيدور

يطلع بألف سؤال

عصفور وكان محفور

فوق الجبين ياخال

القلب عود بنور

واللحن ميت موال

سرق الجمال فرعون

ماخلى فيها جمال

سرقوا حيطان القصر

واللقمه والمايه

سرقوا جناح النسر

سرقوا المراكبيه

وانتي اللي جبتهم

وانتي اللي سيبتهم

فاكره الأمل فيهم؟

هو انتي غاليه يا مصر

غير بس ف عنيه!؟

يا أم الجمال الصبي

والحسن رباني

سابق عليكي النبي

ما تخلفي تاني

وطال الليل

وطال الليل على ولادك

وإمتى الفجر يتدلّى؟

فقير محروم جفاه النوم

في نار الحاجه يتقلّى

مادول ناسك ومن راسك

مش إنتي يا مصر جبتيهم

بكامل رغبتك وّلا؟!

حبة أمل لله

ياللي رميتو الوطن
في البحر من بدري
نزل الشباب يجري
رجع الوطن وياه
حبة أمل لله

والزهرة لو تنكسر
بالظلم ماتفتّح
شفتوش حدودها ياناس
وشكلها يفرح!؟
ماهي زينا برضه
ويا ما قالت أه
حبة أمل لله

يادي الجمال

يادي الجمال اللي بيخطف

في القلوب المشتاقين

يادي العيون اللي بتسحر

كل وقت وكل حين

يادي المدد

زارعه فجبينك يا بلد

فدان أماني مخضره

واحنا وقت الصعب جنبك

مزروعين

هواكى اتوصف

ياللى هواكى اتوصف
للمصّب والمعلول
أجمل ما فيكى الهوى
واجمل ما عندي القول
ومجزت إني أنصفك
بالعقل قلت أوصفك
هو انتي شئ معقول؟!

بتميلي الدفه

يا أرض
شايه القمر
دايما على جبينك
والشمس
في كفوفك
طالعه من الزفه
. .
إحنا ولادك حق
واحنا اللي عاشقينك
بس إنتي
ليكي ساعات
بتميلي الدفه !!

لناس تبیع المرض

صبح القلم مهزوم

والحبر ناشف فيه

بنيه جمعت بوم

بدل الحمام تلاغيه

بصيت لقلبي ساعات

ساكت كما الأموات

قلت اكتب المعلوم

قالي وهكتب إيه؟!

كتب القلم نقطه

وجنبها نقطه

ونقطه واستفهام

(معدش بينا كلام)

قالها بطرف عنيه !

هي الحياه كام لون

ولون غميق اتقرض

فيها اللي قلبه جميل

كأنه طير انقرض

وبيتاعين الشفا

فاتو أماكنهم

لناس تبيع المرض !!.

مات الكلام

مات الكلام

لما اختفى

من بين شواطئك

يا مدينه باختصار

صوت المحاز

والنوارس بطلت

ترمي

على قلوبنا السلام

مات الكلام...

مات الكلام

وانتي عايشه

يا مدينه

والكلاب الضاله

عايشه في ربوعك

لأ دي عايشه
جوه فينا
واللي ماتو بين ايدينا
ورد بكره والحمام
عارفه ليه مات الكلام؟!

كل ماقولك بحبك
مش بلاقي روعي فيها
مش حاسسها
مش بتنزل دمعتي
حتى عليها
كُنْ حبك مالبدايه للنهايه
كان كلام
عارفه ليه مات الكلام؟!

مصراوي

اللي بنى مصر
كان في الأصل
مصراوي
غاوي في نص الليل
قاعده وسهرايه
ويامّ طمي النيل
حبّايه حبّايه
بيهد حيل الأرض
وساعات يعرّقها
لك حق تعشقها
ياللي بقيت غاوي!!

واللي بنى مصر

كان في الأصل

مصري

بحلم

بحلم بدوله مخضّره

بستان

وسگانه طیور

مفهاش سلاح

ولا فیها شر

ولا فیها حد

من البشر

ولا دیب غریب

ولا أي طور

وأجيبي

شمس صغيره

أد الريال

ونجمتين

يتنططو

وسط العيال

وسحابه تجري

في السما

ما تخبي نور

ولا انتى سافرتى

كل اللي سافر جمع

إلا أنا وانتي

سافرت عنك أنا

ولا انتى سافرتى!؟

حلوه بغبا (عن الحريره)

لوحه قريبه مقربه

آخر الطريق اللي اترسم

فيها بنيتي مربربه

حلوه بغبا

شفتش عنيا بتبتسم ؟

إخطف بقى

متخافشي جبل المشنقه

ولا انت

ممنوع م الدسم؟! .!

ثورة جياع

لما بنتقابل سوا

وسط الخلايق

تبتدي ثورة جياع

حلو اللقا بعد الوداع

حلوه العيون

لما تخون

صمت الشفايف

تعترف

حبك يا سيدي

م البدايه يختلف !!.

هي الحكايه إيه ؟

هي الحكايه إيه ؟

طلعت حقيقه بجد

وسط الفراعنه عبيد

عاشقين لبوس الإيد

والعزق خيط يتمد

يا شمس لا تشرقي

عالي غوى العتمه

هي العقول ضامه

بنيان بحيطه وسد !

أنا عارف

أنا بهرب ساعات ليكي

عشان خايف

بخاف منك على روحك

وانا في الضلمه

مش شايف

وهتضمي الغريب تاني

وتنسيني

مانا عارفك

أنا عارف !!

أنا ليّ فيها كثير

أنا ليّ فيها كثير

مش لون وإسم يا دوب

أنا ليّ فيها تاريخ

أكثر من المكتوب

وليّ فيها جذور

تكفي باني أغير

أنا ليّ فيها كثير

أنا ليّ فيها شهيد

جائز يكون جدي

وليّ فيها حفيد

حضنه على أدي

ولي فيها دموع
نازله بصوت مسموع
من صاحبي على خدي
وليّ فيها حياه
وليّ فيها مصير
أنا ليّ فيها كثير

علموني

علموني إني أكل باليمين

بس أسرق بالشمال !

علموني إني أكذب

في الخطاب والكتابه

والمقال ..

علموني إن بنت الإيه

دي سافله

ثايره ليه وسط العيال؟!!

بس قتلك يا صديقي

خير حقيقي

ذي موته ربنا

الإثنين حلال

علموني إني أزرع

في غيطاني
زهرة واحده
وسط غابه من ضلال .
علموني إن ديني
يكون مطيه
للي فاشل .
واللي عاطل
واللي عاجز
واللي عايز جاه ومال !
علموني إني أكذب
إني أصلب
أني أمشي
إني أرشي
إني إسمع

إني أركع
إن عقلي يكون شوال! .
علموني إني اعيش
بلجام ودقن
تفرق إيه الدقن يابا
لما تركب عالبدال؟!
قالو سنه عن رسولنا
يومها قلنا
قال رسولنا إمتي نقذف؟
إمتي نحلف؟
إمتي نوجد إمتي نحلف؟
إمتي قال؟!
إمتي قال؟!
يا طاحونه ودائره بينا

دينا راجع ثاني لينا

مش بدقن وتوب وسبحه

مش بغتره والعقال !

دينا راجع بالعداله والكرامه

بالمعامله مش مجامله

دينا راجع بالرجال !

علموني إن عشقك

يابلاذي

وسط بؤاسي الأيادي

شئ محال !.

خوفوني إني أكتبتك

ياغاليه

جوز غناوي

في اللي ماتو بين إيدينا

مش خیال.

خوفوني إني أحبك

ذي مانتی

مش هطاطي يا حبيتي

لسه جوايا احتمال !!

لابتعذب ولا بتوجع

وقلت يا مصر مش جايلك

ومش راجع ومش هرجع

ومش عايز أشوف نيلك

ولا هحكي مواويلك

ولا هسمع

ولما يفوت عليّ الدور

هموت مستور

دي حتى الموته في بعاذك

لا بتعذب ولا بتوجع !

مكتوب

مكتوب على جلد النوته سطور
أحلامنا بسيطه وفاتها الدور
والموت بيلف علينا بيوت
بيدق الباب وعازنا طابور
أحرك تضحك يا إنسان
وتعيش مستور وتموت مستور
لو لقمة جنبه تشق الريق
أو نقطه مايه تطفي حريق
واهي ساقيه ودوره ودور يا وابور

شخطة قلم

شخطة قلم

شخط المدرس في الولد

قال له فاشل

إنت أضعف مالضعيف

رد الولد بهدوء عليه

قال له يابيه

أنا وامي بنام عالرصيف

مش لاتي حق المسطره

وضلوعي دابت مالأم

وكلامي جد ماهوش قواله

هرسم خريطة مصر فين ؟

وانا من سنين

کراستی من قلب الزباله

مش قیمتھا

دانا حتی عایش جوه بیتھا

هو ینفع أبقى مستور بالرصیف

وأهین بلد

ولا دي تبقى نداله؟!

انا وانتى

أنا وانتى بكل هدوء

حكاية حب

ألفها كتاب الشوق

وسمى الكون

على إسمك

في أول صفحه فكتابه

رمالنا الطوق وودعنا

وانا تايه

ما بين السطر والمعنى

ما بين روحك

وبين جسمك

وبين الوصل والحرمان

بغنيك

وبرويكي وانا عطشان

وصوت الفجر ليه مخنوق

في وقت أدان؟

فيكي حاجه تشدني

فيكي حاجه تشدني

بالرغم من بحرك غريق

وانا اللي سايب

فيكي روجي

من زمان عامل جرى

رغم موجك وانفعالك

مش بموت

لسه باقي فيه صوت

وانتي باقي فيكي شئ

خايف يا مصر

خايف يا مصر أجيلك يوم
واجري لحضنك تبتسمي
ألاقيكي تايهه ومش فاكهه
واديكى بتزق فجسمي

أنا اللي منك مش غيري
أنا اللي دمي تراب ميري
أنا اللي في بطاقتك اسمي

قربت منك وانا خايفك
فتحت عيني مش شايفك
جائز عشان الغربه سنين
عجزتي ياورد البساتين

غيرتي تسريحه شعرك
غيرتي لونك وضمفايرك
غيرتي حضنك وإيديكي
مش لاتي طيبتك فعنيكي
ولا انتي مين ؟
أنا مش عارفك
أنا مش حاسك

عذراء

عذراء يا بنت الخال
مبخافشي غير منك
سنك صحيح عشرين
ولآ آلاف سنك؟!
طب قولي إيه مكتوب
قولي لي إيه ظنك؟
ههب تاني وادوب
واترك حبيبي هناك
وهقضي عمري يادوب
واقف ورا الشباك؟!
حبيت ومش حبيت
ماهو ده اللي بيجنك!!

شُبك إيديك

شُبك إيديك يانيل

واقفلها بالعافيه

متسبشي حد غريب

يدخل بيناتهم ديب

يتفرقو لاتنين

فرعين عليهم عين

والنيه مش صافيه!

جوايا حلم

جوه قلبي طير بيهتف

مش ينام

عمره ما قطع الكلام

جوه قلبي ديك بيدن باشتياق

مش بيدن والسلام

جوه قلبي لو تدور

غصن أخضر

نادي

وبنية حمام

جوايا حلم بحققه

حامي أنا مش هسرقه.

بحلم بأرض تضمننا

مش أي أرض

نتام فيها تلمنا

ونحب بعض

كل اللي فرقنا كلام

كبير صغير كان كلام

أخره كلام

حبة حروف شابكين في بعض

ممكن في لحظة نخرقه

جوايا حام بحققه

براطيش....

مصر الجميله الولاده

من كام سنه پي زياده

صبحث عاده

بتجيب براطيش

براطيش بتفتي وبتهل

وناس عبيطه بتتقبل

لكلام دراوئش

يامصر طالعه من جوعه

فدان غباوه ومزروعه

كل الحاجات الممنوعه

وفساد وحشيش

براطيش بتقتل فشابنا

واما عاتبنا

يقولو لنا الجيش !
اضرب كان بالبرطوشه
واققع عيوني بخرطوشه
وتقولي مفيش
نشن ياشاويش
احنا اللي كنا الرجاله
وكل يوم نثبت حاله
بقينا رجاله قواله
افعالنا مفيش
كان حامي فيكي يابلادي
حامي العادي
كان حامي أعيش
أنا اللي بدلت حرامي
من قدامي
باتنين دراويش

ابتسم

يجرى إيه لو كنت حاضر

بس حظك مره غايب

أوعي تياس

أو تكشر

دا الأمل موجود زكايب

بس دور

ابتسم حرّك شفائيفك

ولّا تبقى مالها عوزه

هيه طفله تحب تلعب

مش بتتعب

أوعي ترسم فوق شفائيفك

صورة الطفله العجوزه

الطريق مزروع مداين

وانت شايف

والأمل مفروش جنائن

فوق سنين اليأس واقف

ياالله اجري

ولا خايف!

قول يارب

تلقى ربك بيناديك

ابتسم

وافرد جناحك للأمل

ذي صياد السمك

ارمي الشبك

دانت رزقك بين إيديك

مش لغيرك

توب ومتفصل عليك

نسيت قلمي

نسيت ألي وكراستي

نسيت بيتي ومدرستي

نسيت الفرشه والألوان

نسيت كلي ولكن جيت

وضاع الكل في النسيان

ومش هكتب ومش هرسم

ومش هنطق ولا اتكلم

إذا حبيت.....أنا إنسان

نسيت كلي ولكن جيت

وجبت دموعي ويايا

أثاري الدمع متوضي على خدي

وله حكاية

بيتكلم ويتألم

وساعة الجدي يعلم

ويرسم طفله مكسوره

وتبكي الطفله فالصورة

وتغزل عقدها أحزان

أنا المصري ماليش عنوان

يالله اضحكي

شفت ناس كثير بتضحك
كل ضحكه وليها معنى
اللي تضحك باشتياق
واللي تضحك كبرياء
واللي ضحكها بريئه
واللي ضحكها جريئه
واللي تضحك بابتسامه
واللي ضحكها علامه
واللي تضحك والسلام
واللي تضحك من سكات
إلا انتي... مصر دايمًا.. ذي مانتي
كل ضحكاتك أهات
ترجع الضحكه بالأم

علمتيني البكا قبل الكلام

علمتيني إزاي أقوم

بس نسيتي تشرحي لي

إزاي أنا م؟

شوفتي في عيوني الدليل؟

يا لله اضحكي

ولا أقولك

مش هقولك

خلينا فالليل الطويل

حلمي

حلمي اللي كان مرتاح

نايم على خدي

فتح عيوني وراح

وسابني اعيش وحدي

ياصاحبي رايح فين

... مالك يا حلم سنين؟

قال لي بتحلم ليه

لما انت مش أدي؟!

غمضت عيني ساعات

يمكن يعود ثاني

وساعات تجر ساعات

نايم على وداني

هو اللي راح بيعود

يابو عقل براني؟!

obeikandi.com

عندي الجنان ألوان

عندي الجنان ألوان....وبشد فهدومي

حببت ودبت كان...حتى اسألو نومي

لا سمعت صوتها فيوم.....ولا شوفت ضفايرها

واما يجيني النوم....مقدرش أشوف غيرها

يادي الجنان ف جنان...ياللي انتي ساحراني

جنية فوق بستان.... هيه اللي عجباني

ممکن تكون انسان....ممکن تكون تاني !

فات اللي فات ياخال...والعشق بالنيه

قدري أكون موال....وأحب جنيه

وعيووني ذي الخيل

صاحیہ مبتنامشی

ماتقول لها تمشی

أو قولي مین هیه؟

obeikandi.com

سوّاح

و بتنفّس بـجـبـك لـيـه

مـادام خـايـنـه

و هـاجـرانـي ؟!

بـيـقـتـلـني الـهـوى فـيـكـي

و حـضـنـك دـافـي

لـلـتـانـي

غـرـيـب نـايـم عـلـى سـرـيـك

بـتـفـكـيـرـك و تـدبـيـرـك

و انا مـسـافـر

فـي أـرض الـلـه

و فـي الـدـنـيا

يٰمِٓنَ اللّٰهُ مَا تَلْزَمْنِي

بِلَادِ تَانِيهِ

وَلَا أَنْتِي حَتَّى لَزِمَانِي !

حكاية ثوره

حكاية ثوره بنعيشها
وصرخه كبيره مجنونه
وناس أغراب
رماها الموج
بكاس الذل يسقونا
كأن بلدنا مش ناويه
تجيبها البر
لاهي عايشه
ولا ماتت و (بعد الشر)
مدفونه !.

تلات طقات

٣.. طقات

في نص رغيڤ

بقول شكرا

وخمدينه

وساعة الليل

بيدخل برد

بين العضم

ويبينه

وبنسافر

في قطر الموت

كأنه تابوت

يضيع العمر

وسنينه

ويجي رئيس

يعزينا ويقتلنا

بنات وبنين

وغيره يقول

ده بيصلي

وراجل دين

مادين أمك

على دينه !!

من عيوني

كلموني تاني عنك

فكروني

قالو إنك طالبه روجي

قلت

حاضر من عيوني

قالو دمك محتاجينه

قلت حاضر تؤمروني

قالو مش خايف ياخال؟

هي فرصه ومش بايدنا

مش أكيد تكبر بلدنا

قلت يكفيننا احتمال !.

أحلامنا غير

أحلامنا غير مابتوصف

أحلامنا شارع

بالبياده بيتوصف

من غير ضمير

أحلامنا غير

والشمس فينا بتنظفي

قبل النهار ما بيختفي

وحمام مكتف

في الميدان

ساعة الأذان

مبقاش يطير

أحلامنا غير

الناس في قهوة حينا
قاعدن يشوفو ويسمعو
قاتل وشيخ اتجمعو
ماشيين في شارع
(أنجاييه)
دم الحمام
من غير مايقصد والنبى
طرطش عليه
أسف يا بيه
توصلو بالفين سلامه
توصلو بميتين سلامه
والله كن الدنيا
رايحه للقيامه
يارب خير.
أحلامنا غير.

كان بوڊي

إكتبيني

نقطه في كتابك

وعدي

واكسري موتك

بايدك

مش بيدي

أصلي ميت

أيوه ميت

قال عشانك

وانتي رغم الموت

ما عشتي

كان بوڊي !

خسارتك يا بلدي

خسارتك يا بلدي

في لحظة تسؤل

يا أجمل ما فينا

وأكرم ما فينا

وأخر وأول

وأعظم مدينه

بلادي بلادي

ومين بس يرضى

لبنت الأكاير

تبوس الأيادي

وتفرد إيديها

لبنت اللذين؟!..

خسارتك يا بلدي

في حكم اللي كانو

وكذبو وخانو

وهانت عليهم

وفاتت علينا

وتاجرو بصورتك

وتاجرو بإسمك

وباعو ترايبك

ونيلك وجسمك

خسارتك يا بلدي

يا مصر الحزينه.

نجمتین

نجمتین

واتقابلو صدغه

بعد ما مات

الوفا

هي قالت له

بجبك

هو من ظلمه

اختفى !!

وليه يا مصري ؟

وليه يا مصري ترميني

في بير وانا اخوك ؟

وليه ياورد تئذيني

بأصعب شوك ؟!

دي ثورة جيل

بنقتلها ونحييها

ونقتلها ونحييها

لا انا عارف أقول ماتت

وأنعيها

ولا قادر أقول مبروك !!

..

زرعت الغل يا شيخنا

يا اسم الدين

دعيت للقتل يا شيخنا

لناس سالمين

هنحصد دم يا فاسد

ومش خايف

تكون واحد من الحاصدين!؟

ثورة بجد

كأن الثوره من بدري

كتاب مفتوح

لا عمر شهيد بيقلها

ولا المجروح

دي ثورة جيل

مبتموتشي ولا بتتمد

دي ثورة بجد يا خوانا

وجد الجد.

والبيعه بخساره

يا أرض حدّك فين ؟

تايهه ومحتاره

سينا ورا شلاتين

هيضيعو في الغاره

واللي اشتروكي رخيص

من طينة الأوغاد

عرضوكي قال في مزاد

والبيعه بخساره !!

ياريت أنا المجرور

صاحيه ومتغيره

والصوت غريب مبوح

أنا قلت بايته ف فرح

قالو لي بايته ف نوح

وعنيكي ذي الدم

حمره ودبلانه

أسف يا إنسانه

ياريت انا المجرور!

هرتلة عسافير

أنا طير وشففت السما
بالأمر مفتوحه
والدنيا واسعه بَراح
بصيت على رسمتي
مالقيتشي فيها جناح
كأني لسه أسير
حبة ورق بيطير
وكل شعراتك كتب
صرخه في ساعة غضب
وهرتلة عسافير !

مبخافشي غير انسان

ورده و متفتحه
قبل الأوان بأوان
الحجم حبة كرز
والعطر مية فدان
يا ورد خايف ليه
مني دانا انسان ؟
وراني جرح عليه
وقالي يابن البشر
مبخافشي غير انسان !!

قال القلم

قال القلم مظلوم

والحبر ماليني

لو كنت هكتب يا ندم

عالي ظلم واللي اتظلم

حبري مايكفيني!

يا روح مابعدك روح

كل الغلابه جروح

وانا عيني شايفاهم

مانا وجعي من عيني!

قالو عليه الديق

قالو عليه غريب

كافر وصهيوني

وانا ألف مره هموت

ملعون أبوك يا سكوت

دينك ماهوش ديني

.

نقطه بنقطه

نقطه بنقطه

هیکل سطر

عربه وعربه

بیعملو قطر

دقن وجهل

سلاح وکمین

طلع القطر

من الزنازین

ولّع سینا

وکفر فینا

وباع أطفالنا

وداس عالنور

واللی حاکمنا

ده کان طرطور

یخطب یشجب

یفتح ینصب

کدب وغش

جربا وعایشه

بملیون وش.

ام الغلابه

يام الغلابه طبتلي

قولي غناكي وكملي

غني بغنوه للحمام

قولي كلام

أخيب كلام

قولي الحمام

عدى المحيط

قولي أي كلام عبيط

يطلع ياغاليه فليلي

عايز اسمعك

نفسى اسمعك

ولاشوفشي شوكة

بتوجعك

غني بصوتك واكسري

طيف الوجع

إرمي الودع

قولي البنيه اتجننت

خطبوها يابني للجدع

يام الغلابه طبلي

قولي غناكي وكملي

ولآ أقولك

طمعان في ضلك

خبيني ياالله

بين ضلوعك واقفلي !

مجبورین

مجبورین

نرسم علی وجوهنا

ابتسامه

ذی ضحک الإنجلیز

مجبورین

نحبس غضبنا بین ضلوعنا

واما نقسی

نقول بلیز !!

مجبورین

نشحت حقوقنا

من جلالته

طول ما إحنا

لسه في التصنيف

معيز !!

obeikandi.com

ولا تايهه في المغاره

وانت ماشي جوه حاره

وسط حاره

تسأل الناس الغلابه

ايه العباره؟

تلقى ناس متكسرين

ومتر بين

بس يضحك

ضحكه بتصغر سنين

هما دول بس البشاره

تعرف الأحلام دي ماتت

ولا عايشه

ولا تايهه في المغاره!

ساعة الفجر

وساعة الفجر
أقوم وادعي
وأقول ياربي خليها

دي هي كل مافيه
وبعشق كل مافيه

خريطة الكون
يامولانا
ولا بتحلى ولا تسوى

ماغير بلدي
تزينها تحليها

أنا عاشق

ولو بعرف كلام نيلها

هكلمها واغنيها

وتكمل غنوتي بيها.

بعد النجوم

قاعد بعد النجوم

والرك عاليه

وارسم يايدي الحمام

واعمل له بنيه

واشوف عيون البنات

جايز تكون هيه

ياهل الهوى والشوق

فاض الهوى بيه

شرفت ساعة الغروب

وعاكت في التيار

صياد وقالي اختصر

ارمي الشبك واختار

قلت الهوى ده نصيب

عمره ما كان بقرار
صبري خادوه مشاوير
درب الجمال اتهد
وانا صنعتي تمثال
حابس دموعي بسد
ولا عمري قلت أهين
ولا نص أهه لحد

واصرخ بعلو الصوت
وانا صوتي حياني
جانبني الهوى للموت
هو اللي وداني
وبعد ذكر الله
هشكي لمين تاني؟

صوت مجروح

أنا صوت مجروح شایل فکره

أنا حلم وهارب من بکره

أنا طیر ف جناحه سَبَت عَصافیر

هنموت ف سکوت

ونسیب ذکرى

مات البطل (لجنودنا شهداء سيننا)

مات البطل

والموت بيخطف من سكاث

كل الحكايه باختصار

انهم وقت الفطار

يقولونا مات

حلمك بشقه صغيره

حلمك بأرض محرره

حلمك علينا يا بطل

داحننا رجاله بنات

مات البطل

والتمره حمره صغيره

غرقانه دم

ساعة الأذان ندعي ياناس

قلبت بغم

اشجب يامرسي فخطبتك

شكّل ولون لهجتك

وافتح وضم

بس قولي تعمل إيه

لو كنت أم؟!!

باعو ترابك

باعو ترابك يا وطن

بالمتر والكيلو

سألت مين اشترى؟

قالو لي مش قصتك

شوفلك وطن غيره

وقلت على جثتي

الزرعه دي زرعتي

وده خيرى مش خيره

أهين عليك يا وطن

نايم في بحرك نوم

زرعو ترابك بوم

وهجرو طيره

وابقو اسألو عني

وابقو اسألو عني
في الليل لما ينام
وفي حروف الكلام
وف نسمة رايحه جايه
بتلاعب الحمام
اسأل عني تلاقيني
مزروعه بين ضلوعك
لا قادره أبعد شويه
ولا طالبه غير رجوعك
أنا مصر تراها نادي
أنا قبر الأعادي
ونصبي هو هو

في شويه من ولادي
وسامحني يابن ابني
يا صاحبي ويا حفيدي
سرقو أحلامكو مني
صدقني مش بإيدي
ولا قادره أصدهم
كل اللي أقدر عليه
مش ممكن أحبهم
إحلم تاني وهلم
ساعدني فين إيديك؟
إوعاك تبكي عليه
مش عايزه أصعب عليك

احلم ثاني ورابع
على صوتك وغني
حامك مسجون وراجع
إدفن يأسك في حضني
وساحني يابن ابني

فهرس

٦	سلامتك يا مصر
١٠	صباحك يا مصر
١٤	نظم القوافي
١٦	صوتي انجلد
١٧	قلبك حجر
٢١	سابق عليكى النبى
٢٤	وطال الليل
٢٦	حبة أمل لله
٢٧	يادى الجمال
٢٨	هواكى اتوصف
٢٩	بتميلي الدفه
٣٠	لناس تبىع المرض
٣٢	مات الكلام
٣٤	مصراوي
٣٦	بحلم
٣٨	ولا انتى سافرقى
٤١	حلوه بغبا... (عن الحريه)
٤٢	ثورة جىاع
٤٣	هى الحكايه إيه ؟
٤٤	أنا عارف

٤٥	أنا ليّ فيها كثير
٤٧	علموني
٥٢	لابتعذب ولا بتوجع
٥٣	مكتوب
٥٤	شخطة قلم
٥٦	انا وانتى
٥٨	فيكي حاجة تشدني
٦١	خايف يا مصر
٦٣	عذراء
٦٤	شُبك إيديك
٦٥	جوايا حلم
٦٧	براطيش....
٦٩	ابتسم
٧١	نسيت قلمي
٧٣	يالله اضحكي
٧٥	حلمي
٧٧	عندي الجنان ألوان
٨١	سوّاح
٨٣	حكاية ثوره
٨٤	تلات طقات
٨٦	من عيوني

- أحلامنا غير ٨٧
- كان بوذي ٨٩
- خسارتك يا بلدي ٩٠
- نجمتين ٩٢
- وليه يا مصري ؟ ٩٤
- ثورة بجد ٩٦
- والبيعه بخساره ٩٧
- ياريت أنا المجروح ٩٨
- هرتلة عصافير ١٠١
- مبخافشي غير إنسان ١٠٢
- قال القلم ١٠٣
- نقطه بنقطه ١٠٥
- ام الغلابه ١٠٧
- مجبورين ١٠٩
- ولا تايهه في المغاره ١١١
- ساعة الفجر ١١٢
- بعد النجوم ١١٤
- صوت مجروح ١١٦
- مات البطل (لجنودنا شهداء سيناء) ١١٧
- باعو ترابك ١١٩
- وابقو اسألو عني ١٢٠



رقم الايداع / ١٣١٩٧ / ٢٠١٣ ط ١

الترقيم الدولي / ٢ - ٣٨ - ٥٣١١ - ٩٧٧ - ٩٧